



Қазақстан Республикасы Мемлекеттік кіріс министрлігінің Кеден комитеті мен Армения Республикасы Мемлекеттік кіріс министрлігінің арасындағы Ынтымақтастық және кеден құжаттары мен кедендік қамтамасыз етулерді өзара тану туралы келісімді бекіту туралы

Қазақстан Республикасының Заңы 2000 жылғы 13 қараша N 100-II

Астанада 1999 жылғы 2 қыркүйекте жасалған Қазақстан Республикасы Мемлекеттік кіріс министрлігінің Кеден комитеті мен Армения Республикасы Мемлекеттік кіріс министрлігінің арасындағы Ынтымақтастық және кеден құжаттары мен кедендік қамтамасыз етулерді өзара тану туралы келісім бекітілсін.

Қазақстан Республикасының
Президенті

Қазақстан Республикасы Мемлекеттік кіріс министрлігінің Кеден комитеті мен Армения Республикасы Мемлекеттік кіріс министрлігінің арасындағы Ынтымақтастық және кеден құжаттары мен кедендік қамтамасыз етулерді өзара тану туралы
КЕЛІСІМ

Бұдан әрі Уағдаласушы Тараптар деп аталатын Қазақстан Республикасы

Мемлекеттік кіріс министрлігінің Кеден комитеті мен Армения Республикасының Мемлекеттік кіріс министрлігі,
екі мемлекеттің кеден қызметтері арасындағы ынтымақтастықты алдағы уақытта дамытуға және нығайтуға ұмтыла отырып,
тауарлар мен көлік құралдарын тасымалдау кезіндегі кедендік шарттылықтарды оңайлату мақсатында,
мына төмендегілер туралы келісті:

1-бап

Уағдаласушы Тараптар кедендік және валюталық ережелердің сақталуын бақылауды қамтамасыз ету барысында, әр Уағдаласушы Тараптар мемлекеттерінің ұлттық заңдарының шегінде бір-біріне кеден мәселелерінде қажетті көмек көрсетеді және жан-жақты ынтымақтасады.

2-бап

Осы Келісімде қарастырылған мақсаттарға жету үшін Уағдаласушы Тараптар жүк және жолаушылар қатынасындағы, почталық алмасудағы кедендік ресімдеуді жеделдетуге, кедендік бақылаудың нысандары мен әдістерін жетілдіруге, сондай-ақ көлік құралдары, жүктер мен жолжүгінің, почталық жөнелтімдердің, валютаның, басқа төлем құралдарының және валюталық құндылықтардың (бұдан әрі мәтін бойынша - тауарлар) заңсыз әкелінуін, әкетілуін және транзитін ескертуге бағытталған қажетті шаралар қолданады.

3-бап

Уағдаласушы Тараптар шекаралары арқылы өтетін тауарлардың Уағдаласушы Тараптар мемлекеттерінің кедендік және валюталық ережелеріне жауап беретін және жүк, жолаушылар және почталық қатынастарда қолданылушы тиісті құжаттармен жарақтануын қамтамасыз етеді.

4-бап

Уағдаласушы Тараптардың бір мемлекетінің аумағы арқылы басқа Уағдаласушы Тарап мемлекетінің аумағына транзитпен өтетін тауарлар, сондай-ақ бір Уағдаласушы мемлекет аумағында ресімделген және Уағдаласушы Тараптардың аумақтары арқылы транзитпен өтетін тауарлар кедергісіз тасымалданады және кедендік тексеруден босатылады, олардың әкелінуі, әкетілуі және транзиті Уағдаласушы Тарап мемлекетінің ұлттық заңдарымен тыйым салынған деп ұйғаратын негіз болған жағдайлардан басқа.

5-бап

Уағдаласушы Тараптар кедендік құжаттар, кедендік пломбалар, мөрлер мен мөртаңбалардың бедерлемелерін, көлік құралдарындағы, жүктердегі және почталық жөнелтімдердегі ресми белгілерді өзара мойындайды.

6-бап

Уағдаласушы Тараптар осы Келісімнің 5-бабында аталған кедендік құжаттар мен кедендік қамсыздандырудың үлгілерімен, сондай-ақ олардың мемлекеттерінің аумақтары арқылы әкелінетін, әкетілетін немесе транзиті шектелген немесе Уағдаласушы Тараптардың мемлекетінің ұлттық заңдарымен тыйым салынған тауарлардың тізбесімен алмасады.

7-бап

Уағдаласушы Тараптар өзара келісім бойынша кедендік құжаттарды сәйкестендіруге ұмтылады.

8-бап

Егер бір Уағдаласушы Тарап мемлекетінің аумағына екінші Уағдаласушы Тарап мемлекетінің аумағынан әкелінетін тауарлар әкелудің кедендік, валюталық, санитарлық, карантиндік немесе ветеринарлық ережелер мен нұсқаулар негізінде немесе қауіпсіздік түсініктері бойынша өткізуге жатпаса, Уағдаласушы Тараптардың кеден органдары өз мемлекеттерінің аумақтарына осы тауарларды өткізуден бас тартуының себебі туралы хабарлайды.

9-бап

Уағдаласушы Тараптар Армения Республикасы мен Қазақстан Республикасының азаматтары осы мемлекеттердің аумақтары арқылы транзитпен өткен кездерде қол жүгі мен жолжүгін кедендік бақылау және шығару Уағдаласушы Тараптардың кеден заңдарын сақтаумен жүргізіледі.

Осы мақсатпен:

- Армения Республикасының кеден органдары Қазақстан Республикасы азаматтарының қол жүгі мен жолжүгіндегі тауарларды шығарушы Қазақстан Республикасының кеден органдары растаған кедендік мағлұмдама негізінде жүзеге асырады.

- Қазақстан Республикасының кеден органдары Армения Республикасы

азаматтарының қол жүгі мен жолжүгіндегі тауарларды шығаруды Армения Республикасының кеден органдары растаған кедендік мағлұмдама негізінде жүзеге асырады.

10-бап

Уағдаласушы Тараптар бір-біріне кеден ісі мәселелері жөніндегі нормативтік құқықтық актілер туралы ақпарат береді.

Уағдаласушы Тараптар бір-біріне нормативтік құқықтық актілердегі, қызметтік ұйғарымдардағы және кедендік құжаттар мен қамсыздандыру нысандарындағы өзгертулер мен толықтырулар туралы уақытылы хабарлайды.

11-бап

Кедендік құжаттар жөнелтуші мемлекеттің ұлттық заңында қарастырылған тілде, сондай-ақ қажет болса орыс тілінде жасалады.

12-бап

Уағдаласушы Тараптар жазбаша немесе ауызша нысанда кеден ісі мәселелері жөнінде тәжірибе алмасуды жүйелі жүзеге асырады.

Уағдаласушы Тараптар арасындағы хат жазысу орыс тілінде жүргізіледі.

13-бап

Осы Келісімнің баптарын орындау, түсіндіру және өзгертуге байланысты барлық даулы мәселелер Уағдаласушы Тараптар арасындағы кеңестер мен келіссөздер жолымен шешіледі.

Уағдаласушы Тараптардың екеуінің бірдей келісуі бойынша осы Келісімге өзгертулер мен толықтырулар енгізілуі мүмкін. Өзгертулер мен толықтырулар осы Келісімнің ажырамас бөлігі болып табылатын жеке хаттамалармен ресімделеді және Келісімнің 15-бабында белгіленген тәртіпте күшіне енеді.

14-бап

Осы Келісімнің ережелері Уағдаласушы Тараптардың басқа халықаралық шарттарға сәйкес қабылдаған міндеттемелерін қозғамайды.

15-бап

Осы Келісім Тараптардың бір-біріне дипломатиялық каналдар бойынша Келісімнің күшіне енуін қамтамасыз ететін қажетті мемлекетішілік рәсімдерді орындағаны туралы хабарлағаннан кейін күшіне енеді және бұдан кейінгі бес жыл бойы қолданылады, одан кейін, егер Уағдаласушы Тараптардың бірде бірі тиісті мерзімге алты ай қалғанда, оның қолданылуын тоқтату

туралы өзінің ниетін жазбаша нысанда мәлімдемесе, ол автоматты түрде келесі бес жылға ұзартылады.

1999 жылы "___" қыркүйекте Астана қаласында қазақ, армян және орыс тілдерінде екі данада жасалды, әрі бұл ретте барлық үш мәтін бірдей болып табылады.

Осы Келісімнің ережелерін түсіндіруде келіспеушілік болған жағдайда орыс тіліндегі мәтін негізге алынады.

Қазақстан Республикасы
Мемлекеттік кіріс министрлігі
Кеден комитетінің атынан

Армения Республикасы
Мемлекеттік кіріс
министрлігінің атынан

Мамандар:

Қасымбеков Б.А.
Омарбекова А.Т.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК